

Fjármála- og efnahagsráðuneytið
Arnarhvoli við Lindargötu
150 Reykjavík

Reykjavík 18. mars 2019

Varðar: Mál nr. S-84/2019. Drög að frumvarpi til laga um breytingu á lögum um tekjuskatt og lögum um staðgreiðslu skatts á fjármagnstekjur (skattlagning tekna af höfundaréttindum).

Hér er að finna umsögn STEFs um ofangreint frumvarp sem nú er í opnu samráðsferli fjármála- og efnahagsráðuneytisins

STEF fagnar því mjög að umrætt frumvarp hafi verið unnið af hálfu ráðuneytisins, enda um að ræða gamalt baráttumál STEFs til margra ára. Um er að ræða réttlætismál fyrir tónhöfunda sem oft eru í mjög mismunandi aðstöðu að geta talið fram kostnað á móti skattstofni til greiðslu hefðbundins tekjuskatts. Sérstaklega er óeðlilegt að erfingjar höfundaréttar þurfi að greiða tekjuskatt af þeirri eign sem þeir hafa erfð á meðan erfingjar ýmissa annarskonar eigna greiða fjármagnstekjuskatt af þeim hagnaði sem þeir hafa af eignum sínum.

Rétt er að koma því á framfæri í þessu sambandi að þetta mál getur haft mjög mikil áhrif á samkeppnisstöðu STEFs við erlend höfundaréttarsamtök. Nái frumvarpið fram að ganga getur löggjöf þessi orðið eitt af því sem skiptir máli þegar íslenskir tónhöfundar velja hvert erlendar höfundaréttartekjur þeirra renni og á þann hátt haft jákvæð áhrif á greiðsluflæði til STEFs og til Íslands almennt.

Vinsamlegast athugið að á einum stað í greinargerðinni er ekki farið með rétt mál hvað varðar STEF þar sem sagt er að STEF sé dæmi um félög þar sem aðild rétthafa er í gegnum aðildarfélag. Staðreyndin er sú að aðild að STEFi er einstaklingsbundin, en hins vegar hafa tvo félagasamtök sérstaka stöðu í stjórnskipun STEFs, en það eru Félag tónskálda og textahöfunda annars vegar og Tónskáldafélag Íslands hins vegar.

Virðingarfyllst
F.h. STEFs



Guðrún Björk Bjarnadóttir, framkvæmdastjóri